



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Extraordináriu Konsellu Ministrus nian iha loron 12 fulan-outubru 2020

Konsellu Ministrus hala'o sorumutuk iha Palásiu Governu, iha Dili, no aprova ona **tetu agregadu no dezagregadu husi Orsamentu Jerál Estadu (OJE) tinan 2021 nian**, ne'ebé apresenta husi Vise-Ministra Finansas, Sara Lobo Brites. Tetu agregadu iha montante totál, dolar amerikanu rihun millaun 1,895 ne'ebé inklui empréstimu sira, hodi kobre ba nesesidade husi programa no prioridade nasional sira ne'ebé define ona husi Governu Konstitusionál VIII, liuliu iha nivel dezvoltimentu kapital sosiál, dezvoltimentu ekonómiku, ne'ebé aliñada ho medida sira ne'ebé tau ona iha Planu Rekuperasaun Ekonomika, dezvoltimentu infraestrutura bázika fundamentál, dezvoltimentu ambiental, dezvoltimentu institusionál no prosesu kona-ba reforma institusionál sira ne'ebé la'o hela. Husi montante totál OJE 2021, millaun 239,26 korresponde ba saláriu no vensimentu, millaun 421,49 refere ba bein no servisu, millaun 669,91 ba transferénsia pública sira, millaun 61,14 korresponde ba kapital menór no millaun 503,20 ba kapital dezvoltimentu.

Vise-Ministra Finansas mós halo apresentasaun ida ba Konsellu Ministrus rezultadu husi relatóriu Senu Agríkola tinan 2019 nian. Rekolla dadus husi setór agrikultura nian ne'e ho objetivu atu fó dalan ba definisaun polítika no estratéjika ida ba setór ne'e, atu apoia programa nasional agrikultura husi Planu Estratéjiku Dezvoltimentu tinan 2011-2030, atu dezvoltolve indikadór husi Objetivu Dezvoltimentu Sustentavel 2 (ODS 2)-Zero hamlaha no Agrikultura Sustentavel, atu fornese dadus estatístiku kona-ba setór ne'e iha nivel administrativu suku nian no fornese enkuadramentu ida ba setór agrikola nasional. Resultadu sira ne'e hatudu katak iha 141 738 propriedade agrikola, neebé 141 141 maka propriedade



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA KONSELLU MINISTRUS

VIII GOVERNUNU KONSTITUSIONÁL



Gabinete
Porta-Voz

familiár no 597 partense ba instituisaun privada sira. Relatóriu ne'e hatudu katak 66% husi agregadu familiár nasional iha atividade agríkola. Propriedade agríkola sira akupa estensaun ida ho ektare 219250. Munisípiu sira ho área propriedade agríkola familia ne'ebé boot liu maka Bobonaro, ho propriedade ektare rihun 41 liu, Ermera ho ektare rihun 40 liu no Baukau ho propriedade rihun 25 liu. Enkuantu munisípiu sira ne'ebé área agríkola menus liu maka Lautein no Manatutu, ho 8555 no ektare 3371. **REMATA**



Palácio do Governo,
Avenida Presidente Nicolau Lobato,
Dili, Timor-Leste